

534

24

Brzo: 0101-1196/17  
21.04.

**Bosna i Hercegovina**  
**Federacija Bosne i Hercegovine**  
**SKUPŠTINA KANTONA SARAJEVO**

Bosna i Hercegovina  
Federacija Bosne i Hercegovine  
KANTON SARAJEVO  
21-04-2017

Organizaciona jedinica	Šifra	Preduzeće	Broj prijave
01	05	9791	

Sarajevo, 21.4.2017. god

**Predmet:** Odgovor na zastupničko pitanje Maria Vukasovića, dopis 01-05-9791/17 od 7.4.2017. god.

U vašem obraćanju tražite detaljne informacije od školarina i upisnina za period 2012-2016. god. na Medicinskom, Stomatološkom i Farmaceutskom fakultetu Univerziteta u Sarajevu, kao i obrazloženje u šta su fakulteti utrošili razliku novca nastalu posljednjim uplaćivanjem školarine na navedenim fakultetima.

**Informišem Vas da se školarina na Farmaceutskom fakultetu nije mijenjala posljednjih deset godina** i iznosi za samofinansirajuće studente 3000 KM, te smatramo neprimjerenim tvrdnje koje se odnose na Farmaceutski fakultet, a vezane su za povećanje školarine.

Obrazovanje magistara farmacije mora biti usklađeno i usklađeno je s direktivama 2005/36/EC i 2013/55/EU o reguliranim profesijama. Shodno tome napominjem da je prema Nastavnom planu i programu predviđeno **1455 časova isključivo eksperimentalnih vježbi** i 165 računskih vježbi koje studenti obavljaju tokom studiranja na Farmaceutskom fakultetu. Svaka eksperimentalna vježba traži samostalan rad studenta uz korištenje skupih kemikalija, pribora i rada na skupim instrumentima.

Izvođenje eksperimentalnih vježbi podrazumjeva dosljednost, preciznost i tačnost, uz isključivanje bilo kakve improvizacije. Stvaranje sigurnih uvjeta za rad s toksičnim i lako zapaljivim materijama uslovljeno je posebnim uvjetima rada koje iziskuje utrošak materijalnih sredstava.

Prema podacima kompanija koje prometuju kemikalijama i potrošnim materijalom, samo kemikalije poskupljuju 2-5% na godišnjem nivou, pa je veoma lako izračunati kako se samo poskupljenja kemikalija u posljednjih deset godina odražava na organiziranje nastave na Farmaceutskom fakultetu.

Kako Farmaceutski fakultet nema dovoljno prostora za izvođenje vježbi, plaća se i dio za izvođenje nastave na Medicinskom i Prirodno matematičkom fakultetu koji imaju formirane specifične laboratorije.

Finansijski izvještaji Farmaceutskog fakulteta uredno su predati u AFIP, FIA i mogu se dobiti na uvid.

I na kraju radi poređenja visina školarine za studij farmacije u europskim i zemljama regiona se kreće 5000-8000 eura.

S poštovanjem,

Prof. dr. Davorka Završnik,  
dekan Farmaceutskog fakulteta, Univerziteta u Sarajevu

